



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXXVI.

urn:nbn:de:hbz:466:1-29452

sacerdotem, hoc est, exoratorem, unctum Christum haberemus apud patrem, quis posset subsistere à tyrānide Diaboli, peccato, &c? Quoties igitur nominamus eum Christum, hoc credimus, speramus & cupimus, ut patrem nobis reconciliet, ut propter illum nobis pater faueat ac misereatur, ne quotidiana nostra peccata nos priuent salute: ideò propter hoc officium sacerdotis apud patrē dicitur Christus, id est, unctus: sacerdotes enim & Reges ungebantur quondā: sic Christus à Deo unctus, nobis est perpetuus sacerdos. Sic etiam dicitur Iesus, quod idem est quod Saluator: ita angelus dixit rationem nominis, Mat. 1. inquit: Vocabis nomen eius Iesus, quia ipse saluum faciet populum suum à peccatis eorum: nullus enim alius est saluator generis humani, nisi Iesus, sicut Petrus Apostolus inquit Actuum 4. Non est aliud nomen sub cœlo, in quo oporteat nos saluos fieri, nisi in nomine Iesu, &c. Et quantumvis semel passus sit mortem, qua nos omnes redemit, quotidie tamen adhuc distribuitur efficacia illius credentibus, Ioan. 3. ut omnis qui credit in eum, non pereat, sed habeat vitam æternam. Quotquot ergo saluantur, virtute illius mortis Christi, qua salutem meruit nobis omnibus, saluantur: ideò dicitur Iesus, id est, Saluator, ut quoties hoc nomen dico vel audio, ut salutē cupiam propter illum Iesum. sic quoties audio Christum, toties cupiam eius preces ad patrem pro iustificatione mea & remissione à peccatis: & ita quotidie orat & saluat: & ideò dicitur Iesus Christus: sunt quoque alia nomina filij Dei, quæ videas Esa. 9. vbi dicitur princeps pacis, pater futuri seculi &c.

*QUI CONCEPTVS EST DE
Spiritusancto, natus ex Maria
virgine.*

X

CA.

1. *Quòd Christus non de homine, sed de Spiritu sancto sit conceptus & formatus in utero virginis de sanguine & carne illius.*
2. *Quare Christus sic de Spiritu sancto conceptus & de virgine nasci voluerit.*
3. *Quòd beata virgo sit perpetua virgo, & matris sit in partu, & post partum.*



OC sine hæsitacione credere oportet quòd beata virgo non de homine, sed de Spiritu S. prægnas facta est. Sic enim docet angelus virginem ipsam, cum quærebatur, quomodo conciperet sine viro, Luc. 1. Spiritus sanctus superueniet in te, & virtus altissimi obumbrabit tibi: & quod ex te nascetur sanctum, vocabitur filius Dei. Sic etiam dicit Esa. 7. Ecce virgo concipiet, & pariet filium &c, non dicit, concipietur viro. Igitur qui primum hominem creare potuit in matre, hæc virtus & potestas Dei altissimi potuit creare ex purissimis guttulis sanguinis Mariæ conceptionem Christi, eo quòd dixit illi angelus, quod Deum non est impossibile omne verbum: & quod Deum naturam probat exemplo sterili Elizabethæ, quæ grauida est. Ideo omnes Iudei sunt condemnati, quia dicentes Christum de semine Ioseph esse natum. Sic quæ illi dicit angelus Matthæi 1. Quod enim in eam factum est, de Spiritu sancto est, ideo hoc firmiter credendum, quòd non ab homine sit conceptus Iesus Christus, sed quòd Spiritus sanctus operatus est illam conceptionem in utero virginis Mariæ.

2. *Quòd de Spiritu sancto concipi & de Maria virgine nasci voluerit, hæc ratio fuit: ad conterendum caput serpentis.*

serpentis, id est, ad abolendū peccatum, & destruendā mortem: Si enim Christus conceptus esset de virili semine, tunc natiuitas eius esset carnalis & polluta peccato originali, sicut nostra iustitia est: Nos omnes filij Adam ex virili semine concipimur, & ex mulieribus nascimur, ideò cogimur dicere cū Dauide Psal. 50. Ecce enim in iniquitatibus conceptus sum, & in peccatis concepit me mater mea. Et Ro. 5. In quo omnes peccauimus, scilicet in Adam. Eph. 2. Eramus natura filij iræ &c. Si ergo Christus ita fuisset filius iræ & peccator, non potuisset esse redēptor noster: Quomodo enim peccator peccatores mundaret, & maledictus alios à maledicto liberaret? Ad redemptionem igitur generis humani necessaria fuit talis conceptio de Spiritu sancto, & non ab homine, vt immaculata eius conceptio & natiuitas, impurā omnium aliorū hominū conceptionē (iuxta illud, Ecce in iniquitatibus conceptus sum) mundare posset: hæc verò mundā esse nō potuit, nisi esset à Spiritu S. quòd omne semen aliās foret corruptū. Ideò etiam virgo sine omni peccato, etiā ab originali, fuit p̄seruata, electa, & ordinata ex profapia Abrahæ, Isaac & Jacob, & Dauid ad hoc opus, vt sic pura virgo à Spiritu S. conciperet illum. Sic etiam Deus promisit patribus, Abrahæ Genes. 22. mirabile semen, dicens: In semine tuo benedicentur omnes gentes terræ: Semen autem hoc est Christus, sicut exponit Paul. Gal. 3. Benedictio illa, est iustitia, vita & salus æterna. Omnes homines in Adā peccauerunt, & omnes sunt maledicti, rei mortis æternæ damnationis. Sed Deus sic instauratorē dedit hominib. id est, Christū, vt sicut in Adā omnes moriuntur, ita & in Christo omnes viuificarētur, 1. Cor. 15. Sic nobis scriptura describit duos admirabiles homines: primū, Adam peccatorē, Gen. 3. ex quo habemus peccatū, mortem & damnationē: secundum Adam, Christum iustum & iustificatorem, ex quo habemus iustitiam.

iustitiam, vitam & salutem æternam. Oportebat ergo hominem esse planè benedictum, id est, innocentem, iustū & omninò incontaminatum & liberum à iugo Sathanę, qui debebat tollere nostram malitiam, id est, peccatum & mortē, qui debebat benedicere nos, id est, donare Spiritū S. iustitiam & vitam. Et talis est Christus Deus noster. Igitur ait Ioh. Venit princeps mundi huius, sed in me nō habet quicquā: hoc est, nullū ei ius est in me, quia nō sum peccator, Ioh. 8. vbi peccatum est, ibi mors regnat & Diabolus, qui habet mortis imperiū, & tyrannidem exercet: at vbi nullum est peccatū, ibi nec Sathan habet ullam iurisdictionē aut potestatem. Ideo volebat Christus concipi de Spiritu sancto, & nasci de Maria virgine &c. Et hoc firmiter credere debemus.

3. Tertiò, quòd beata virgo perpetua virgo sit, imprimò sic probatur. Gen. 3. Scriptura dicit Christum semen mulieris & filium naturalē mulieris, non nōminat ipsum filiū viri, sed solū facit mentionem mulieris. Mulier hęc non dicitur, quę virū cognouit, sed ratione sexus, & quia sine adiutorio viri Maria concipit & parit, idēd est vera mater & vera virgo. Sic etiam Paulus dicit Gal. 4. factū ex muliere: ceteri homines nascuntur de viro seu ex volūtate viri vt Ioh. 1. & de muliere, sed scriptura dicit Christū solum filium mulieris, id est, Marię: ex quo sequitur, quod beata Maria est vera virgo in partu & post partū, sicut & antiè partum. Deinde Christus promittitur Abrahę, quod debet esse de semine suo, Genes. 22. & in illo semine deberent benedici omnes gentes terrę. Sed Maria venit corporaliter de Abrahā & Dauid. Christus nascitur solus de Maria corporaliter, quę Maria est de semine Abrahę, de quo Christus nascitur, qui est filius Abrahę, Mat. 1. Rom. 1. filius Dauid secundū carnem, id est, secundū semē quòd est Maria: Ex quo sequitur, beatam Mariam puram esse virginem, quia sine

virili ad-

virili adiutorio & semine concipit & parit, & Christus solus fructus est mulieris, & non viri: idè & beata Elizabeth Luc. 1. dicit, benedictus fructus ventris tui. Igitur omnes Anabaptistæ damnantur, qui negant Christum natū & fructū esse virginis. Postremò hoc maximè pbat Spiritus sanctus per os prophetæ Esai. 7. qui dicit, Dabit vobis Deus signum, Ecce virgo concipiet & pariet filiū: hīc notanter dicit de singula virgine, quod erit quādò nascetur Christus, nempe quod virgo concipiet, pariet, & tamē manebit virgo: Igitur hoc firmiter credere debemus, & dare fidē Euāgelistis Lucæ & Matthæo, qui eam nominant expressè virginem. Sic enim Lucas ait: Missus est angelus Gabriel ad Mariā virginē, & Matthæus allegat Esaiā prophetam, Ecce virgo concipiet, &c. Quòd Euāgelista Matth. dicit, quòd Ioseph eam non cognovit, do nec filium suum primogenitū peperisset: non sic accipiendum est, quòd post partum Christi illam cognoverit, sed est modus dicendi scripturæ, sicut Genes. 8, Coruus non est reuersus donec terra exiccaretur, qui coruus nunquam tamen fuit reuersus. Sic etiam accipitur in Psalm 109. donec ponam inimicos tuos &c. non sic est intelligendum, quòd post nouissimum diē Christus non sedeat à dextris patris, id est, potestate Dei, sed quòd perpetuò erit Deus & Dominus, &c.

Lucæ 1.
Matth. 1.
Esa. 7.

NATVS EX MARIA virgine.

CAPVT XXXVII.

ARGVMENTA.

1. Quòd Maria sit vera & naturalis mater Christi, verum sanguinem & carnem ministrās.
2. Quomodo singulariter illi dicatur, Dominus tecū, gratia plena, benedicta inter mulieres.

X 3 3. Quòd